



Bosna i Hercegovina
Federacija Bosne i Hercegovine
Kantonatno tužilaštvo
Kantona Sarajevo

Broj: T09 0 KT 0201281 25
Sarajevo, 04.07.2025. godine

P R I T V O R

**KANTONALNOM SUDU U SARAJEVU
SARAJEVO**

-Sudiji za prethodno saslušanje-

Na osnovu člana 45. stav 2. tačka i) i člana 241. stav 1. ZKP-a F BiH, podižem:

O P T U Ź N I C U

Protiv:

OSMANOVIĆ ĆAZIMA, rođen 1984. godine, nastanjen u, bez završene škole, bez zanimanja i zaposlenja, oženjen otac 6. djece od kojih je 5. maloljetno, po izjavi lošeg imovinskog stanja, po nacionalnosti Rom, državljanin BiH, JMB:, **neosuđivan, nalazi se u pritvoru u KPZ Sarajevo, Odjeljenje Igman po Rješenju od određivanju pritvora Kantonalnog suda u Sarajevu od 13.04.2025. godine i Rješenju o produženju pritvora Kantonalnog suda u Sarajevu od 09.05.2025. godine, po kojem pritvor može trajati do 09.07.2025. godine ili do nove odluke Suda,**

Što je:

1. Dana 11.04.2025. godine u vremenskom periodu od 13.00 do 13,15 sati u ulici Rahima Ćatovića, Općina Ilidža, nakon verbalnog i fizičkog sukoba sa B.M., svjestan da ga upotrebom noža može usmrtiti, što je i htio, iz neposredne blizine, nožem ukupne dužine oko 29 cm, dužine sječiva 16 cm, dužine rukohvata oko 13 cm i širine oštrice oko 3 cm, crno- smeđe boje, ubo B.M. u predjelu prednje lijeve strane stomaka, uslijed čega je B.M. zadobio tešku tjelesnu povredu opasnu po život, u vidu ubodne rane lijeve strane stomaka, sa probodnom ranom želuca, ozljedom arterije i vene slezene, te krvnim podljevima ovojnice lijevog bubrega i prisustvom oko 1800 ml. krvi u trbušnoj šupljini, potom pao na asfaltnu podlogu i zadobio i lake tjelesne povrede u vidu nagnječine kože u predjelu desnog boka, oguljotine i krvni podljeve kože desnog i lijevog koljena, oguljotinu kože lijeve potkoljenice i krvni podljev kože lijevog skočnog zgloba, dok je smrt B.M. nastupila uslijed iskrvarenja iz ubodne rane stomaka, sa ozljedom arterije i vene slezene,
2. Dana 11.04.2025. godine u vremenskom periodu od 13,15 do 13,30 sati u ulici Rahima Ćatovića, općina Ilidža, nakon kraće verbalne prepirke sa E.P., svjestan da upotrebom fizičke snage i drvene drške sjekire, može drugom nanijeti laku tjelesnu povredu, što je i htio, E.P. drvenom drškom sjekire dužine oko 84. cm udario u desnu stranu glave, koja je od tog udarca izgubila svijest i pala na tlo, uslijed čega je E.P. zadobila laku tjelesnu povredu u vidu razderano-nagnječne rane desne tjemene regije glave,

Dakle, pod tačkom 1. optužnice drugog usmrtio i pod tačkom 2. optužnice drugog lako tjelesno povrijedio

Čime je, pod tačkom 1. optužnice počinio krivično djelo Ubistvo iz člana 166. stava 1. KZ F BiH i pod tačkom 2. optužnice počinio krivično djelo laka tjelesna povreda iz člana 173. stava 1. KZ F BiH, sve u vezi sa članom 54. KZ F BiH,

-PRIJEDLOG ZA PRODUŽENJE MJERE PRITVORA-

Predlažem da se u smislu člana 151. stav 1. ZKP-a F BiH osumnjičenom Osmanović Ćazimu nakon potvrđivanja optužnice produži mjera pritvora, po osnovu odredbe člana 146. stav 1. tačka c) ZKP-a F BiH, obzirom da smatramo da i dalje postoje razlozi zbog kojih je pritvor određen i produžen.

KANTONALNI TUŽILAC